

KATTULLUTA INUUNERITTA – SAMMEN OM DET GODE LIV

Paarisap, Brugsenip, KNI-p aamma Pisiffiup akornanni suleqatigiinneq

UKIUMOORTUMIK
NALUNAARUSIAQ 2024



PISIFFIK

Brugseni

Kolofon:

Kattulluta inuuneritta –
Sammen om det gode liv

Ukiuumoortumik nalunaarusiaq 2024

Copyright: Paarisa

Februaari 2025

Assit:

Saqqaa tunualu:

Carlo Lukassen: Tarrat Pictures.

KNB Marketing: 5, 8, 12.

KNI Marketing: 2-3, 10, 11.

Pisiffik Marketing: 14-15, 22, 24.

Paarisa / malou media: 16, 17,31.

Assiliartai, ilusilersuineq: irisager.gl

Nutsernera: Mukup

Communications & Translations

v/Paornanguak Helene Kleist

Pitsaassusianik qulakkeernittoq:

Ipera Consult v/Katti Frederiksen

IMARISAI

KATTULLUTA INUUNERITTA	4
2024-MI SULEQATIGIINNERMI SULIARINEQARTUT	6
INERNERUSUT	18
PAARNANIK NAATITANILLU	
QERISUNIK 2024-MI TUNISINEQ	18
2024-MI PAARNANIK NAATITANILLU	
NUTAANIK TUNISINEQ	20
NIOQQUTISSANIK MATUERSAASERFIMMIK	
MEQQILINNIK 2024-MI TUNISINEQ	20
IMIGASSARTAQANNGITSUNIK TOQQAGASSANIK	
ALLANIK 2024-MI TUNISINEQ	22
TUNISAANERPAAT 30-IT:	
NIOQQUTISSAT TUNISAANERPAAT	24
ATUISUNIK MISISSUINEQ.	26
2025-MUT ANGUNIAGASSAT	32





KATTULLUTA INUUNERITTA

Kattulluta suleqatigiinnitsigut ataatsimut anguniagaqaqatigiilluta ukiuni pingasuni kingullerni angusimasagut tulluusimaarutigaaqut angusaqarluarsinnaanitsinnik takutitsimmata.

Innuttaasut peqqissusiini unammillernartut aqagu aqqissimanaviangillat, aamma nioqqutissat ataasiakkaat qanoq pisiarinqartartiginerisa naatsor-sornerini aqqiissutissarsineqarnaviangillat, tamannali alloriartitsinerus-saaq. Peqqissusermik siuarsaaniarluni iliuusaavoq, tassani piffissap ingerla-nerani qanoq ineriartortoqarneranik takusaqarusulluta. Tamatta immikkut iliuuseqarnata piginnaasat, isumalluutit ilisimasallu akuleriissinnerisigut angusaqarnerussaagut. Innuttaasut peqqissusiannik siursaanissamik kina-luunniit kisimiilluni kivitsiniarsarisinnaangilaq. Ataatsimoorluni iliuuseqar-toqartariaqarpoq, ataatsimoorluta suliassamik kivitseqatigiilluta.

Alloriarfissat siulliit alloriarfigaagut, ukiunilu pingasuni kingullerni angusat takutippaat eqqortumik iliuuseqartugut. Suleqatigiinnitta ingerlateqqinnis-saanut tamanna kajumissaataavoq pingaarutilik. Ukiumoortumik nalunaa-rusiami matumani 2024-mi ukkatarineqarsimasut ataatsimoorlutalu angusi-masavut kiisalu 2025-mi peqqissusermik siursaanialluta suliassatut aala-jangiussimasavut saqqummiunneqarput. 2024-mut ukiumoortumik nalunaa-rusiaq manna ukiuni siulliini marlunni ukiumoortumik nalunaarusiaasarsima-sunut ilassutitut isigineqassaaq, taakkunani suleqatigiinnerup tunngavia siusinnerusukkullu angusarinqarsimasut nassuiarneqarsimmata.



2024-MI SULEQATIGIISSUTIGINEQARTUSSAT

Siornatigut suleqatigiissutigineqarsimasut ukiumoortumik nalunaarusiani 2023-moortumi 2022-moortumilu takuneqarsinnaapput.



JANUAARI 2024:
2023-mut
ukiumoortumik
nalunaarusiorneq

FEBRUAARI 2024:
2023-mut ukiumoor-
tumik nalunaarusiaq
saqqummerpoq

JUUNI 2024: Paasititsiniaanerup
killiffia pillugu ataatsimiinneq
ukiullu qaammataasa siulliit
pingasut ingerlanerini angusat
saqqummiunneqarnerat

JANUAARI 2024:
NERISA-videot matumani suleqatigiit
inoqatinut attaveqaatigisartagaanni
nittarsaassiffigisartagaannilu
saqqummersinneqarput

MAAJI 2024: 2023-mut ukiumoortumik
nalunaarusiaq pillugu PowerPoint
suliarineqarpoq suleqatigiit iluminni
aamma avammut saqqummiussisar-
nissaanni atorneqartartussa

JUUNI 2024: Suleqatigiinni angusat
2023-mut ukiumoortumik nalunaa-
rusiameersut pillugit inoqatinut
attaveqaatitigut saqqumilaartitsineq

JUULI 2024:
Suleqatigiinneq pillugu
Sermitsiami, KNR-imi radio-
avisiimilu apersorneqarneq

SEPTEMBARI 2024:
Killiffissiorluni ataatsimiinneq
ukiullu affaani siullermi
kisitsisinik saqqummiussineq

NOVEMBARI 2024:
Ataatsimoorluni ilisarnaatip
saqqumilaarnerulernissaa
pillugu pisiniarfinni
paasititsiniaaneq aallartippoq

DECEMBARI 2024:
2024-mut ukiumoortumik
nalunaarusiassap
inerisarnera aallartinneralu

AGGUSTI 2024:
NERISA-videot inoqatinut
attaveqaatitigut
siammarterneqaqqipput

OKTOBARI 2024:
Atuisunik misissuineq
aallartinneqarpoq suleqatigiit
tamarmiusut inoqatinut
attaveqaataat aqqutigalugit

NOVEMBARI 2024:
2024-mik nalilersuineq, ukiup affaata
kingulliup aallartinnerani kisitsisinik
saqqummiussineq kiisalu 2025-mi
anguniagassat suliasallu pillugit
ulloq naallugu ataatsimiinneq

ATAATSIMUT ANGUNIAKKAT

Niuertarfiit naak ulluinnarni imminnut unammillertuugaluarlutik Kattulluta inuuneritta pillugu suleqatigiinnermi inuunerissaarnerup siuarsarnissaanik anguniagaqarnissamik ataatsimoorlutik suleqatigiinnissartik isumaqatigiissutigisimavaat.

Suleqatigiit 2024-mi qaammatit pingasukkaarlugit killiffissiorlutik ataatsimeeqatigiittarsimapput, taakkunani suleqatigiinneq, peqqissusermik siuarsaalluni suliniutit iliuuserisallu qanoq iluaqutaatiginerat oqaluuserineqartarlutik.

Ukioq manna kingumunaasiit nioqutit tunisat naatsorsornerinik kisitsisinillu atorneqarsinnaasunik niuertarfiit Paarisamut nalunaaruteqartarsimapput, nioqutissat uuttortarneqartut tassaapput: paarnat naatitallu qerisut, paarnat naatitallu qerisuunngitsut, nioqutissat matuersaaserfimmik nalunaaqutsikkat aamma imigassat aalakoornartortaqaqngitsut. Taakkunani kisitsisit pisiniarfiit akornanni katinnerat qaammatit pingasukkaarlugit Paarisamit naatsorsorneqartarput ataatsimiinnernilu kisitsisit katinnerat saqqummiunneqartarlutik. Angusat ukiumoortumik nalunaarusiami matumani kingusinnerusukut saqqummiunneqassapput.



ATAATSIMUT ILISARNAAT

Suleqatigiissutiginnitsinni akornatsinni attaveqaqatigiinnerput ataatsimullu ilisarnaateqarnerput iluatsittumik ingerlasoq nangittumik ukkatareqqissavarput. KNI-mi, Pisiffimmi Brugsenimilu novembarimi paasititsiniaaneq ingerlanneqarpoq, taakkunani sulisut sullisiminni ataatsimut ilisarnaatitsinnik saqqarmioqartinneqarsimapput Nunatsinni innuttaasut peqqissusiannik pitsanngorsaaqataaniarnitsinni pisiniarfiit ataatsimoornerat takutinniarlugu. Ataatsimut ilisarnaat 2022-mi inerisarneqarpoq niuerniarnermilu peqqinnartumik toqqaanissamik ajornannginnerulersitsivoq pisiniat ilisarnaat atorlugu neqeroorutinut quppersakkani pisiniarfinilu nioqutissanut peqqinnartunut aqqutis-siunneqartaleramik.

Paasititsiniaanermut atatillugu pisiniarfiit tamarmik 2024-mi naatumik videoliorsimapput sulisut ilisarnaammik atorlutik suleqatigiinneq pillugu oqaluttuartinneqarnerannik imaqtartunik. Videot suleqatigiit inoqatinut attaveqaataanni siammarterneqarput tigluarneqarsimallutillu.

2025-mi attaveqaqatigiinneq salliunneqassaaq paasinarsisimammat suleqatigiinnermi ataatsimut anguniakkat takorluukkallu innuttaasunut anngunnissaannut tamanna pingaaruteqartoq. Inoqatinut attaveqaatini attaveqaqatigiinnerput pitsaanerullunilu anguniagaqarnerunissaa kiisalu ataatsimoorluta suliatsinnut ukkataqarnerulernissaq sulissutigisavarput.

SULINIUTIT

Ataatsimoorluta
suleqatigiissuteqarnitta
saniatigut suleqatigiit
tamarmik immikkut
suliniuteqarsimapput.

KNI

Nunatsinni inuit peqqissusiat pitsanngorsaaviginiarlugu KNI-mi anguniakkatut takorluukkatsinnut ilaasumik annertuumik akisussaaqataanermik tigusivugut inuiaqatigiit nukittunerusut, piujuartitsisut imminnullu napatinnerusut anguniarnerisigut. Peqqissuseq pillugu periusissiarput, *Oqimaaqatigiisumik inuuneq*, tunngavigalugu pisisartutsinnut sulisutinnullu timikkut tarnikkullu atugarissaarnermik peqqinnarnerusumik inooriaaseqalernissamut isumassarsiortitsiniartarpugut.

Nunatsinni pisiniarfeqarfinni siammarsimanerpaavugut inoqarfiit ungasinnerpaat tikillugit pisiniarfeqaratta. Akisussaaffik tamanna inuit nioqqutissanik peqqinnarnerusunik toqqaanissaasa ajornannginnerulernissaannut atorparput. Pisiniarfiit nittartakkallu aqutugalugit peqqissutsimut tunngasut neqeroorutinut ilaanissaat pisisartutsinnut qulakkeertarpugut.



Suliniuteqarfivut

Pisiniarfiutitsinni neqeroorutinullu qppersakkani inuussutissat peqqinnartut pisiniartartutta toqqaalluarnissaannut tapersersimaniarlugit ilisarnaasertarpavut.

Paarnanik naatitanillu nutaanik qerisunillu kiisalu matuersaaserfimmik meqqilinnik nioqquteqarnerput siuarsarniarlugu neqeroorutinut qppersakkani ilisarnaatit atukkatut tassaapput *Oqimaaqatigiisumik inuuneq*, Kattulluta Inuuneritta, meqqi matuersaaserfik, Økologisk aamma Qerisut.

Nittartagaq Mamarisavut.gl aqutugalugu nerisassionermut ilitsersuutit pisariitsut peqqinnartullu Nunatsinni tunisassiassanut ileqqunullu tulluarsakkat siammartertarpavut.

Nerisassanik nuannarisaqarnissamut peqqinnartumillu ileqqoqarnissamut kajumissuseqalersitsiniarluta pinnguarneq nerisassionermullu ilitsersuutit nuannersut aqutugalugit meeqqanut Pipaluup Nerisassiortarfia pilersissimavarput.

IGASA - Nerisassat meeqqanullu ataatsimoorfiit

Kattulluta inuunerittamut suleqatigiinnut ilaanitsinni suliniummut IGASA-mut peqataavugut meeqqat nerisassanut peqqinnartunut, ataatsimoornermut pisinnaatitaaffiillu pillugit paasinninnissaannut kajumilersitseqataanissamut suleqataalluta. Suliniut tamanna Paarisa suleqatigullu allat peqatigalugit suliassatigut pilersaarusiornikkullu peqataaffigaarput.

Suleqatigiinneq Kattulluta Inuuneritta

Ataatsimoorluni suliniutit angusaqarfiunerusarnerat upperaarpugut taamaattumillu Nunatsinni tamarmi inuiaqatigiit peqqissusiannik pitsanngorsaqaataanermut Paarisa niuertarfiillu allat peqatigalugit peqataanerput tulluusimaarutigalutigu taamaasiornikkut Nunatsinni allannueqataaneq pitsaasoq peqataaffigatsigu.

Pingaarutilimmik suliaqarnerup 2025-mi nangeqqinnissaanut nioqqutissanillu peqqinnarnerusunik toqqaasarnerup siuarsarneqarnissaanut ulluinnarnilu oqimaaqatigiinnerusumik inuuneqarnissamut isumassarsitsisarnitsigut suliniuteqarnitta nangeqqinnissaa qilanaaraarput.

BRUGSENI

Nunatsinni akisussaassuseqartumik pisiniarfeqarfiunitsinni tulluusimaarutigaaqput nuna tamakkerlugu innuttaasut peqqinnerulernissaannik suleqatigiinnermut siunertaqartumut peqataasinnaagatta. Suleqatigiinnermi matumani Kalaallit Nunaanni Brugseni peqataaleqqaarnerminiit kissaatigisimavaa ataatsimoorluta pitsaanerumik angusaqarnissatsinnut peqataanissani.

Kattulluta inuuneritta-mi innuttaasut peqqissusiannik suliaqarneq immikkuullarissumik pullaveqartitsivoq annertooujussuarmik ilaannilu annertungaarami tigussaangitsutut ittumik sammisamik pilersaarusiukkamik anguniagalimillu suliaqarnissamut periarfissiisumik. Periarfissat immikkuullarissut Nunatsinni pisiniarfiutillit annerasa Paarisallu suleqatigiissuteqarnerisigut pilersinneqartut ukiualunnguit ingerlanerinnaanni ineriartornermik pitsaasumik takussutissiippat innuttaasut nioqqutissanik pisiniariaasiannik iliuuseqarfigissallugu siunniussatsinni sunniisumik.

2024-mi suleqatigiinneq ukkatarilluarsimavarput, pingaartumik tusagassiuutit digitalit nutaat aqutugalugit. Nittarsaassineramik suliaqarnitsinni assigiinngitsuni ilaasortatta peqataatinnissaat iluatsissimavavut, soorlu digitalimik spilit nuannersut suleqatigiinnerlu pillugu paasissutissiinerit atorlugit.

Tamatuma saniatigut takuneqarsinnaasut tunuanniittut iliuuseqarfigisimavagut allaffisornikkut qitiusumillu immikkoortortavut arlallit suliamut ilanngunnissaat peqataatinissaallu sulissutigalugit, taamaalilluta Nunatsinni innuttaasut peqqinnerulernissaannut suleqatigiinnermut peqataanerput pilersaarusiurfiunerumik peqataaffigisinaaniassagatsigu. Sulineq tamanna 2025-miit suliniutissatsinnut suli annertunerumik pisisartutsinnut iluaqutaasussamik ukkataqarsinnaalernitsinnik nassataqarpoq.

Ukiup ingerlanerani suliniutinut pingaarutilinnut arlalinnut tapersersueqqissinnaanerput nuannaarutigaaqput. Suliniummik IGASA-mik Paarisap UNICEF-illu meeqqat atuarfiinut siammarteriniarnerat ukioq manna iluatsilluartumik ingerlanneqaqqippoq. Nuannaarutigaaqput tapersiivigineratigut suliniutip tamatuma siuarsarneqarneranut peqataasinnaasimagatta.

Siunissami suliniutit tassunga assingusut qilanaarilereerpavut, takuteqqinneqarpormi suleqatigiikkutta angusaqarnerusinnaasugut.

Siunissami suleqatigiinnermut tunniussaqaqqissinnaanissarput neriutigaarput, ataatsimoorluta suli amerlanerusunik pitsaasunillu angusaqarsinnaaniassagatta.

– Niuernermut piujuartitsinermullu periusissiatinni 2019-imiilli Nunatsinni innuttaasut peqqissusiata qitiusumik ukkataarput, nuannaarutigaaqpullu sulinita angusaqarfiunera takusinnaaleratsigu. Suleqatigiinneq pitsaasumik sunniivigeqatigiittumik ineriartorpoq, tamattalu pingaarutilimmik sulili aallartisarnerusumiittumut peqataavugut. Brugsenimi neriutigaarput suleqatigiinnermi matumani suli ukiorpassuarni qitiusumik

ingerlatseqataalluta peqataasinnaanissarput, aamma nioqqutissanik allanillu peqqinneranusunik toqqagassanik ukkataqarnerunissamut ilaasortatta pisisartuttalu kissaateqarnerat malillugu ineriartortitseqataasinnaassalluta. Suleqatigiissuteqarnitsigut sunniuteqarsinnaanissamut immikkuullarissumik periarfissaqarpugut, unammilleqatigiittut suleqatigiittullu Nunatsinni innuttaasut peqqinnerulernissaannik ukkataqarluta ataatsimoorluta aaqiissutissarsarnitsigut, taama oqarpoq nittarsaassinerumut ataveqatigiinnermullu pisorta Benny Reffeldt Otte.

Brugseni piujuartitsinermut periusissiaa Nunatsinni innuttaasut peqqissusiannut iliuuseqarnissamut pisusaaffiliivoq. Isumaqarpugut suleqatigiinneq manna Nunatsinnut siunissami iluaqutaasussamik tigussaasunik angusaqarnissatsinnut aqutissaasoq.



PISIFFIK


Pisiffiup Paarisamik, KNI-mik Brugsenimillu suleqateqarnini pingaarteqaa, aallaqqaataaniillu innuttaasut peqqinnerulernissaannut iliuuseqarnissamik imminut pisussaatisimaluni. Suleqatigiinnerup matuma suliniutit ataatsimoorussat allat nuannaarutigalugit peqataaffigisagut assigai. Assersuutigalugu meeqqat nuannersumik isumassarsinartumillu avatangiiseqarlutik nerisassiornermik ilinniarnissamut nerisassanillu peqqinnartunik paasisaqarnissamut periarfissillugit meeqqat atuarianni akullerni atuartunut IGASA-mik ukiumoortumik ulloqartitsinermut tapersiissuteqartarnitsigut. Suliffeqarfittut iliuuseqartartut Kattulluta inuuneritta-mik suleqatigiissuteqarneq piujuartitsinermik periusissiatinnut ilanngussimavarput suleqatigiillu anguniagaat piviusunngortinnarlugit arlalinnik iliuuseqarsimalluta.

Pisiffiup aalajangerpaa marloqiusamik periusissiaqarnikkut 'Kattulluta inuuneritta'-p ataani nammineq ilumini aammali avammut sammisumik sulissalluni. Sulisuvut, soorunami namminneq inuunerminni attaveqaatinut ilaanermi saniatigut, pisiniarfinni tuniagassanik saqqummiussassanik, ilisivinni iluarsaassinermik imaluunniit pisisartumik siunnersuinermik suliaqaraangamik ullut tamaasa inuunerissaarnissamut aallartitatullusooq sulisartut nalunngilagut. Eqqarsartaaseq taanna malillugu paarnanut naatitanullu immikkoortortani sulisunik ilinniartitsinitsinni pingaartipparput sulisut E-learning atorlugu pikkorissarnerni inuussutissanik isumaginninnerminni paasinninnerulernissaannik sakkusaqartilissallugit. Taamaasillutik pisisartutinnut siunnersuinissamut tunngavissaqarluarnerulissapput pisiniarfimmilu peqqinnartunik toqqaanissamik saqqummiussisinnanissamik nassataqartumut peqataanissaat annertunerulissalluni. Ilinniartitsinermut pilersaarut ukiup ingerlanerani marlunnik immikkoortulerlugu unammisitsinernik arfineq-marlunnik imaqartunik ingerlanneqartarpoq, siulleq tassaalluni sulisut paarnat naatitallu nutaat pillugit ilisimasaannik unammillernartunik unammisitsinernik imalik aappaalu paarnat naatitallu nutaat tunisat kaaviiarnerannik annertunerulersitsisumik ataatsimoorussamik ukkassinerulersitsineq, taakku marluk tamarmik iluatsittumik peqataatitaqarfiulluurtumik ingerlanneqarsimapput. Unammisitsinerit pitsaasumik suleriaa-



seqarnissamik aamma paarnat naatitallu pillugit ilisimasassanik ukkataqarfiusut 2024-mi marloriarluni ingerlanneqarput. Kaaviiartitanik unammisitsinermi 2024-mi marsimi aallartittumi, paarnanik naatitanillu immikkoortortaqaqfimmik kaaviiartitat annertusineqarnissaannik siunertalimmi immikkoortortaqaqfinni kisitsisitigut qaffasinnerpaamut angusaqartunut immikkoortortap ataatsimut sammisaqarluni aaqjissuussinissaannik akissarsititsisoqartarpoq.

Pisisartunik peqataatitsinermut peqqinnartunillu toqqaanissamik ukkataqartitsinermut atatillugit Pisiffik paasititsiniummik ingerlatsivoq sapaatit tamaasa inuussutissanik matuersaerfimmik meqqilinnik 25 %-imik akikilliliisarnermigut aammattaq paarnat naatitallu nutaat qerisullu aviiisimi inissaqarnerulersinneqarput marloriaatinngortinnerisigut (sapaatip-akunneranut quppernermit ataatsimit marlunnut amerlissinneqarput). Anguniagaqarluni suliniuteqarnermi Pisiffiup paarnanik naatitanillu qerisunik kaaviiartitsinernik 2023-mut sanilliullugu 2024-mi 7 %-imik annertunerulersitsisoqarpoq, tamatumani paarnat naatitallu nutaat kaaviiartitsinerat 2024-mi 2,6 %-imik annertunerulersimalluni. Pisiffik A/S-imut sivisuumik anguniagaasimavoq imigassanik aalakoornartortaqaqngitsunik amerlanerusunik Akikip, Sparip Pisiffiullu pisiniarfiini pisisartunut neqerooruteqarsinnaalernissaq, anguniagaq tamanna PAARISA-mit aamma anguniagaavoq. Anguniagaq tamanna sulissutiguarparput imeruersaatinik allanik sulii amerlanerusunik piniartarnitsigut iluatsilluurtumillu neqeroorutitut aviiitsinni misileraalluta saqqumilaartitsisarnitsigut. Tamama saniatigut Pisiffimmi Nittarsaassinermut immikkoortortaqaqfimmiumt inoqatinut attaveqaatit assigiinngitsut atorlugit pisisartut 'Kattulluta inuuneritta' pillugu ilisimanninnerulernissaannik siunertalimmi siammarterisarneq eqqumaffigisimavaat.



PAARISA

Paarisa suleqatigiinnermi matumani ataqatigiissaarisuuvoq. Tassunga atatillugu suliassani pingaarnit ilagaat ataatsimiinnerit piareersartarnissaat, suleqatigiinnermi oqaloqatigiilluarnerup siumullu ingerlasoqarnissaata qulakkeersimanissaa.

Suleqatigiinnermi periarfissaqarneq aallaavigalugu suliarnissaq qulakkeerniartuarparput. Aallartikkusutatta aallartinneqarnissaat, suut aallartissallugit pingaaruteqarnersut suleqatigiillu akornanni suut pilersinneqarsinnaanersut ukkatarisarpagut.

Tamatuma saniatigut Paarisa ataatsimiinnissanut aggersaasarpog, imaqarniliorluni kisitsinik piniarluni kiisalu iliuuserineqartut inernerusullu ilaatigut ukiumoortumik nalunaarusiami matumani atuarneqarsinnaasut uppernarsaatit sinnerinik pissarsiniartarluni.

2024-mi atuisunik misissuinnermit paasissutissanik ineriartortitsinermik suliaqarnermillu ingerlataqaqqippugut, taakkulu inoqatinut attaveqaatigut oktobarimi saqqummiunneqarlutik. Atuisunik misissuineq atuisartut pisiniarnermi ileqqunik, toqqarusuttagaannik kiisalu suleqatigiit ataatsimut ilisarnaataannik ilisimasaqarnerannik misissuinissamik siunertaqarpoq. Paasissutissat suliarineqartut suliniutigisassatsinni attaveqaqatigiinnit-sinnilu anguniagalersuinissatsinnut atorneqarput.

Paarisami suliniutinik ingerlatitseqqiisarnernik assigiinngitsunik ingerlataqarpugut. 2024-p aallartinnerani NERISA-mit videot inoqatinut attaveqaatigut siammarterneqarput tigulluarneqarlutillu. NERISA-mit videot naatsunnguupput, innuttaasunut nerisassiornermut ilitsersuutinik pisariitsunik peqqinnartunillu pissarsiaqarsinnaalersitsisut. 2023-mi ukiumoortumik nalunaarusiamit inernerusunik inoqatinut attaveqaatit aqutugalugit ingerlatitseqqiinnissamik attaveqaqatigiinnissamillu aamma ukkataqangaatsiarpugut. Taamaasiarpugut atuinermi ileqqut Nunatsinnilu peqqissuseq pillugit oqaloqatigiinnermik ukkataqalersitsinissaaq aallartitsinissarluk kissaatigigatsigu, aammattaaq tassuunakut Paarisamiillu Sermitsiami, KNR-imi radioaviisimilu ilanngutassianut peqataasarnit-sigut Kattulluta inuuneritta pitsaasumik eqqumaffigineqalerpoq.



Novembarip aallaqqaataani 2024 IGASA nuna tamakkerlugu ulloqartinneqarpoq Nunatsinni sumiiffinni assigiinngitsuni meeqqat 200-t peqataaffigisaannik. Meeqqat tassani nerisassat peqqinnartut, ataatsimoorfiit meeqqallu pisinnaatitaaffii pillugit ilikkagaqartinneqarput. IGASA Paarisamit UNICEF-imillu ineriartortinneqarpoq suleqatigiinnerullu ataani suliniutaal-luni, tassani suleqatigiinnissamik isumaqatigiissummi Royal Greenland aamma ilaavoq. Suleqatigiinnissamik isumaqatigiissut 2024-miit 2026-mut ingerlassaaq Paarisalu ataqatigiissaa-risuussalluni. Suliniutimmi tassani ingerlatitseqqiinnermik suliniutinik assigiinngitsunik aamma suliaqarpugut, ilaatigut Nanortalimmi suleqateqarluta, tassani Nanortalip aturfiani IGASA-mik ulloqartitsinermi videot aallakaatitassiorqarluni. Ulloqartitsinerup aturfanni qanoq issimanera takullugu pissatsiallannartuuvoq, taamaalilluta ataatsimoorfiit pillugit oqariartuutinik pitsaasunik siammarterisinnaagatta takutillugulu ataatsimooranni sorpas-suit anguneqarsinnaasut.

Paarisattaaq Kattulluta inuunerittami suleqatigiit sinnerlugit ukiumoortumik nalunaarusia-mik 2024-moortumik suleqataasut ilanngussaqaarnerisigut suliareqqiisuuvoq.

Ukiumi aggersumi pisussat Paarisamit qilanaarivagut, peqqissusermimmi siuarsaanermik ataatsimoorluta suliaqut pitsaasut ingerlateqqissagatsigit.



INERNERIT

2020-2030-MI SULEQATIGIISSUTIGISASSATUT TAMAKKIISUMIK ANGUNIAKKAT:
Nioqqutissat kaaviiartinneqarneranni tunisat inuussutissanit peqqinnartuneersut annertunerpaassapput.

Suleqatigiit 2024-mi anguniarpaat paarnanik naatitanillu qerisunik, paarnanik naatitanillu nutaanik nioqqutissanillu matuersaaserfimmik meqqilinnik tunisaqarnerup siuarsarneqarnissaa kiisalu imigassani aalakoornar-tortaqqangitsuni tunisinerup annertusinissaanik anguniagaqarnerup aallartinneqarnissaa. Kisitsisit qaammatit pingasukkaarlugit kisitanit tunngaveqarput KNI-mit, Pisiffimmit, Brugsenimiillu Paarisamut nalunaarutigineqarsimasuullutik.


2024-mi angusat ataatsimut isigalugit pitsaasorujussuupput. Suleqatigiinnerup pingaaruteqassusia takutinneqarpoq pisiniarfinni tamani nioqqutissani immikkut malinnaavigineqartuni amerlanerpaani ineriartortoqarnera erserimmat.

Nioqqutissat suussusiini sisamani angusat ataani saqqummiunneqarput:

2024-MI PAARNANIK NAATITANILLU QERISUNIK TUNISINEQ

Paarnanik naatitanillu qerisunik tuniniaaneq 2023-mut sanilliullugu 2024-mi 8 %-imik qaffariarsimavoq.


+8%



+3%

2024-MI PAARNANIK NAATITANILLU NUTAANIK TUNISINEQ


2023-mut sanilliullugu 2024-mi paarnanik naatitanillu nutaanik tunisineq 3 %-imik qaffariarsimavoq.



2024-MI NIOQQUTISSANIK MATUERSAASERFIMMIK MEQQILINNIK TUNISINEQ

2024-mi nioqqutissanik matuersaaserfimmik meqqilinnik tunisineq 2023-mi tunisanit ikinnerupput. Tamanna ilaatigut nioqqutissat taakkua allatut nalunaarsorneqartalerlutik iluarsineqarsimanerannik peqquteqarpoq. Ineriartortuarpugut pitsanngoriartortuarlutalu, iluarsiiernerlu taanna pissutigalugu nioqqutissanik matuersaaserfimmik ilisarnaatilinnik paasisutissaativut tunngavigineqartut siunissami eqqornerulissapput.

Qaammatilli pingasukkaarlugit tunisinerit amerleriaateqarsimapput 2024-milu qaammatit pingasukkaat sisamaanni tunisineq 2023-misulli iinnarluni.



**"0,0 %-inik
toqqagassat
siammasinnerusut"**

**"Tunisassiat
aalakoornartortaqqangitsut
ukkatarineqarnerulernerat
iluaraarput."**

2024-MI IMIGASSANIK AALAKOORNARTORTAQQANGITSUNI TUNISINEQ

Imigassani aalakoornartortaqqangitsuni tunisaqarnerulernissamik suleqatigiit 2024-mi ukkataqarlutalu nutaamik anguniagaqalerpugut.

2023-mi pisiassat ataatsimoortukkaat taakku allanneqarsimapput "imeruersaatit aalakoornartortaqqangitsut", suleqatigiilli novembarip 20-anni 2024-mi ulloq naallugu ukiumoortumik ataatsimiinnitta kingorna "imigassat aalakoornartortaqqangitsut"-nik taagulissallugit isumaqatigiippugut. Nioqqutissat ataatsimoortukkaat immiaaqqat, viinnit tunisassiallu assigisaat 0,0 %-it kisiisa pinnagit juicenik saftinillu tunisassianik ilaqartutut arlalinnit paatsuuisoqartarsimanera allannguinnermut ilaatigut tunngaviuvoq.

Imigassani aalakoornartortaqqangitsuni tunisaanerisa uuttortarneqarnerat 2024-mi aatsaat aallartikkatsigu 2023-mut sanilluissisinnaanngilagut. Kisianni takusinnaavarput pisiniarfiit akornanni tunisat qaammatit pingasukkaat sisamaanni amerlanerpaasimasut qaammatillu pingasukkaat pingajuanni tunisat ikinnerpaasimallutik. 2025-mi tunisinerup malinnaaffiginissaa pissanganassaaq.

Imigassani aalakoornartortaqqangitsuni ukkatarineqarnerat 2025-mi nangeqqinneqassaaq, tassani Sapaatip-akunnera 18-imi ilaatigut imigassat aalakoornartortaqqangitsut siuarsarniarlugit anguniagalimmik attaveqatigiinnermik suliaqassalluta.

**"Meqqit suut
pisiniarfinniinnerannut
atatillugu
saqqumilaarnerutitsineq"**





TUNISAANERPAAT 30-IT: NIOQQUTISSAT TUNISAANERPAAT

Ineriartorneq suleqatigiit tamakkiisumik anguniagaannut malinnaaffiginiarlugu nioqqutissat suut tunisaanerpaasarnersut kisittarpavut.

Pisiniarfiit akornanni nioqqutissat 2024-mi tunisaanerpaasimasut 30-t suunersut takussutissiap ataaniittup takutippaa. Takussutissiaq 2024-mi nioqqutini tunisaanerpaanik 60-inik pisiniarfiit nalunaarutigisimasaannit tunngaveqarpoq. Ataasiakkaarlugit tunisat nalunaarutigineqarput. Nioqqutissat kingorna nioqqutissanut ataatsimoortukkaanut agguanneqarsimapput Tunisaanerpaanut 30-nut ataatsimoortinneqarlutik. Tunisaanerpaat 30-t qanoq naatsorsorneqartarnerannut periuseq ukiumoortumik nalunaarusiami 2023-moortumi takuneqarsinnaavoq.

2024-mi nioqqutissat taamaallaat nerineqarsinnaasut Tunisaanerpaat 30-nut ilanngunneqarsimapput. Taamaammatt nioqqutissat soorlu puussiat equutissiallu 2023-mi allattukkani ilaasut ilanngunneqarsimanngillat. Innuttaasut inuussutissanik sorlernik ulluinnarni pisiniarfinni pisinerpaasarnerannik assilissamik eqqornerusumik tamanna takutitsivoq.


- 1 sodavandit - 50 cl, 33 cl
- 2 immiaaqqat - 50 cl, 33 cl
- 3 paarnat nutaat
- 4 naatitat nutaat
- 5 Cigarettit
- 6 Sodavandit - sukkoqangitsut
- 7 tupat (cigarettit ilanngunnagit)
- 8 immuit . skummet, mini & letmælk
- 9 iffiat - qaamasut
- 10 delikatesserniarfimmit
- 11 imeruusaatit kajumilersaatitallit
- 12 fastfood - iffiorfimmit
- 13 Sunoorsit
- 14 sodavandit - 1,5 L
- 15 fastfood – kioskimit
- 16 kaffit
- 17 neqinik nioqqutissiat (neqi taartoq)
- 18 imigassat aalakoornartullit
- 19 manniit
- 20 qapuit
- 21 immuit - sødmælk & fløde
- 22 chipsit
- 23 kaagit
- 24 tyggegummit
- 25 mamakujit sukkulaatillu
- 26 punneq makkariinalu
- 27 sioraasat
- 28 neqinik tunisassiat (timmiat)
- 29 neqaarniap nioqqutai
- 30 nerisassiat piareeriikkat

ATUISUNIK MISISSUINEQ



Atuisunik misissuineq inoqatinut attaveqaatitigut oktobarimi 2024-mi siammartinneqarpoq. Atuisunik misissuinerimi siunertarineqarpoq suleqatigiit iliuuserisaasa attaveqaqatigiinnerisalu siunnerfilernissaat siunertaralugu innuttaasut pisiniariaasiisa toqqarusunnerusaasalu misissorneqarlutik qulaajaaffiginis-saat. Misissuineq qaammat ataaseq ingerlanneqarpoq peqataasullu akornanni pisissutissat 500 kr.-nik nalillit peqqinnartunik nioqqutissanik imallit arfinillit eqqugassanngortinneqarlutik. Ajugaasut pingasut siulliit oktobarip qiteqqunnerani makinneqarput kingulliillu pingasut oktobarip naanerani.

Ukioq manna misissuinerimi 2202-t akissuteqarsimapput, 2023-miillu amerlanerupput tassani 590-it akissuteqarsimammata.

2024-MI MISISSUINERMI PEQATAASUT



QASSINIK UKIOQARPIT?



"Nerisassat peqqinnartut ataatsimoorunnissaat"

"Assigiinngisitaartumik nerisaqarnissap eqqaamanissaa"

"Eqqaasitsineq assersuutigalugu inoqatinut attaveqaatitigut matuersaaserfitalinnik nioqqutit suut sapaatip-akunnerani neqeroorutaanersut."

KATTULLUTA INUUNERITTAMUT ILISARNAATAANULLU ILISIMASAQASSUSEQ

Atuisunik misissuinerup takutippaa aperineqartunit 50%-it ilisarnaat takoreersimagaat qanorlu isumaqarnera aamma ilisimagaat. 2023-mit siuari-anneruvoq tassani kisitsit 43%-imiissimammat. Suleqatigiinnsinni anguni-arpaput ilisarnaat qanorlu isumaqarnera 75%-init ilisimaneqassasoq, taamaammatt ataatsimoorluta ilisarnaatitta ilisimaneqarnerulernissaanut suleriaqqinnissamut sulii pissutissaqarluarpoq.

"Meqqi qanoq isumaqarnerasoq sumullu tunngassuteqarnerasoq pillugu pitsaanerusequmik paasisutissiineq"

"Peqqinnarnerusequmik nerisaqarnissaq ataatsimoorluta akisussaaffigipput"


"Pitsaasunik peqqinnartunillu nerisaqartugut, peqqinnartumillu periuseqarnitta meeqqatsinnut ingerlateqqinnissaat eqqaamassagipput."

"Meeqqanut ilaqutariinnullu tulluurtunik ilisimasaqarnerulersitsinissaq imaluunniit nerisassiornermut ilitersuutit isumassarsiorfiusinnaasut"

"Nunatsinni nammineq tunisassiaatitta peqqinnartut nerisarinissaat"

"Inuuneq peqqinnartooq aamma peqqinnartumik nereriaaseqarneq"

Ilisarnaat qanoq isumaqartippiuk?



Ilisimaneqarnerup annertussusia **50%**-iusoq

MATUERSAASERFIMMIK MEQQIMIK ILISIMASAQASSUSEQ ATUINERLU

Atuisunik misissuinermit 50%-ii akipput matuersaaserfik qanorlu isumaqarnera ilisimagitsik. 33%-ii akipput matuersaaserfimmik meqqitalinnik sapaatip-akunneranut arlaleriarlutik nerisaqartarlutik. 63%-ii akipput nioqqutissat neqeroorutigineqartut naammagitsik. Misissuinermit peqataasut arlaqartut oqarput matuersaaserfik pillugu paasisutissat pisiniarfinni amigaataasut pisiniarfinnillu takussaanerunissaat kissaatigitsik.

"Mamassusiat"

"Ilisimasaqarnerunissaq nerisassiornermullu ilitsersuutit isumassarsiorfigineqarsinnaasut"

PERUSUNNERUSAT PISINIARNERMILU ILEQQUT

Atuisartut oqaatigaat niuerniaraangamik pingaartumik akikitsut, pitsaassuseq, nioqqutissat meeqqanut/ilaqutariinnut tulluurtut, peqqinnartut mamarisallu (38%) pingaartittarlugit.

Misissuinermit peqataasut 69%-ii akissuteqarnerminni oqarput ilaqquttatillu ullut tamaasa imaluunniit ullut tamangajaasa unnukkorsioqatigiittarlutik.

Misissuinermit peqataasut 51%-ii oqarput qaammatini pingasuni kingullerni ullut tamaasa imaluunniit sapaatip-akunnerani ullut tamangajaasa namminneq imaluunniit ilaqtariit pinia-gaannik aalisagartaannilluunniit unnukkorsiuqartarlutik.

Paarnanut naatitanullu qerisunut tunngatillugu 63%-ii akipput sapaatip-akunnerani arlaleriarlutik nerisarlugit. 64%-it akipput paarnat naatitallu nutaat sapaatip-akunneranut arlaleriarlutik nerisarlugit. Atuisut tassani oqaatigaat 'akit', 'toqqagassaqarneruneeq pissarsiarisinnaasallu', 'nerisassiornissamut ilitsersuutinit isumassarsiorfissat' kiisalu 'pitsaassuseq' paarnanik naatitanillu qerisunik nutaanillu nerisagaqarnerunissamut pingaaruteqartuusut. Misissuinermit peqataasut arlaqartut aamma allapput peqqinnarnerusumik nerisagaqarnerunissamut peqqinnartunillu nioqqutissanik toqqaanissamut nammineq ileqqorisat allanngortinnissaannut tunngasorujussuusooq.


Imigassat aalakoornartortaqaanngitsut qiviarutsigit 58%-ii akipput qaammammut ikinnerpaamik ataasiarlutik aalakoornartortaqaanngitsumik toqqaasarlutik, arlallillu oqaaseqarsimallutik 'pisingisaannarneq' toqqagassani amigaataasoq. 43%-iisa aalakoornartortaqaanngitsunik toqqaanissamut qanoq allannguinissamut tunngatillugu 'allat' toqqarsimavaat, taakkunanga peqataasut itisiliillutik akissuteqarlutik pisiniarfinni nioqqutissaq ilisimangikkitsik imaluunniit takunikuunngisaannaritsik. Atuisullu allapput 'akit', 'pissarsiarineqarsinnaanera' aamma 'takuneqarsinnaanera' nioqqutissamik toqqaanissamut pingaarutilimmik sunniuteqartartut.

"Ussiinerit"

"Mamarunassapput"



Niuerniaraangavit suut immikkut pingaartittarpigit?



2025-MUT ANGUNIAGASSAT

Suleqatigiulluta 2025-mi inuussutissat peqqinnartut tunisaanerisa nioqqutissani kaaviiartinneqartuni annertunerpaatinniarlugit, 2024-mi anguniakkat nangillugit suliniutillu pioreersut pitsanngorsarniarlugit sulinerput, ingerlateqqissavarput.

ANGUNIAKKAT NANGEQQILLUGIT:

Paarnanik naatitanillu qerisunik tuniniaanerulernissaq

Paarnanik naatitanillu nutaanik tuniniaanerulernissaq

Nioqqutissanik matuersaaserfimmik ilisarnaasikkanik tuniniaanerulernissaq

Imigassani aalakoornartortaqqanngitsuni tuniniaanerulernissaq

Nioqqutissat tunineqarnerpaat 30-t allattorsimaffianni nioqqutissat peqqinnartut amerlinissaat

Suleqatigiinneq suleqatigiinnerullu ilisarnaataa pillugu ilisimasat annertusinissaat. Ilisarnaat pillugu qanorlu isumaqarneranik ilisimannittut 75%-inngortinnissaat.

#kattullutainuuneritta #sammenomdetgodeliv

